

于湖小集

于湖小集

詩四

第三歲日試筆

題薺林畫

六潭太守元日出遊小蓬萊閣還憩永福精舍作詩

垂示奉和

餉六潭蚶一筐

懷仙蕪

先立春一日作

懷節庵

北望

庭花氣燥垂萎一一遙益寅之春雨中生意翦然戲

賦

懋俗

喜聞六潭權濠守

弔侍御李蕓客先生

哀旅順口

甲午十一月失守

哀威海衛

乙未正月失陷

三至游篇

曾哲浴沂諷雩

楊凝式意行出郊不計路之遠近聽御者東西信策所之

陳白沙陽春臺

到舒州

正月二十三日雷電次日雨霰雜下感事抒懷慨然有作

仙蘅僉事生日

懷甯雜詩

簡黃公度

問北來消息

時客白下

和陸閣校莫愁湖之作卽送其歸四明

行經冶城有感

汪仲伊山長以北黟所產野朮黃精見餉賦此爲謝

三長物

次韻滌僑見贈

東庵

有胸曰小蓬萊閣

簡友人

江上放言

江行望池州諸山

寄印根

陪約齋印根兩先生晴溪參軍泛舟入荆山湖二子
櫺梁叟

望大荆山作棹歌十章

寄仙槳

二十七年前游焦山山僧搨鶴銘售之客云此本山
土產也意洒然喜予謀刻焦氏老子集註如成以之
分遺知舊豈非寒齋土物乎因趣楊仁山兄爲速刻
之

南田草衣畫

姑孰道中

秦淮酒舫詞

長句入章爲督部南皮師生日壽

祖筵送雲谷別

游雞鳴寺

登北極閣

贈徐次舟

留別公度

顧子朋招集烏龍潭北別業

靈谷寺

是日禮誌公塔

半山亭

上謝公墩

泊牛渚磯謁太白祠

然犀亭

峨眉亭舊址

太白祠有國初蕭雲從畫壁今亡之

廣濟寺

又贈方丈

天門山

博望山

鼎丞以濠州龍興寺宴集詩寄示次均答之

觀褚臨禊帖鉤本

松岑示我攝山寺江總持斷碑搨文

題黃公度集後

與松岑遊城南

又漫題兩章次荆公雲山送孫正之韻

馬關四首

懷雲門

兩江節署西園中有石船洞窈然橫卧水際奉師
論此船終古不行尋丈常住邪抑本無住邪試具說

其誼獻偈云

溪橋冥集

和節庵

又上驛庵

詠史

陪筱珊太史登小九華

一覽亭遺趾

送筱珊別

思子培

署西偏園中新作茅亭榜曰避世

丁徵君示我新作兕觥一製殊奇古刊度合法將藏
弄之以俟異日爲錢璵沙竹根如意之獻并作小詩
以謝徵君

和梅女思京邸舊園景物

南庵

聞致仕納言黃丈來遊白下悲喜交并斐然有作
次韻答熊著作

放生池詩牌

南窗闔翳改以頗黎嵌之一室洞然

懷公度黃浦仲弼白門戲作俳諧句

觀物雜詩十有二章

書事

贈汪生德淵

陳蓮舫比部張廉侯沈師徐陳挹霏同登赭山埕院
作

師徐將之杭州示我注唐書西域傳藥卽題其後送
別

寄牛渚廣濟寺方丈

枯木庵

新種梅梧桐桃蠟梅三五十株畚鍤甫勤而甘雨適

金
至

種鮮石斛

垂絲海棠

憶靈谷寺

就泖上墅將成寄師徐

遇周生

自巷老人之孫

俞主簿

鍾山行

少宗伯李仲約先生挽詩

操場

懷雲門

南檐

煮藥

雜言

小隱

觀臨桂方伯龍公翰臣畫山水冊子次許仙坪河帥
韻爲松岑計部作

太息

許竹簣侍郎久使俄邦未得受代歸賦此奉懷

西洲

贊季漢三賢

調雲門

和雲門隗囂盤歌

又和出城遲客不至韻

壺公師語予雲門以才人而官福地海警全沸獨渭
南一隅晏然如佛國故能榮觀宴坐多造語言因再
調之

假至言以修心

送夢華之任濠郡

于湖小集

詩四

芳郭鈍交

第三歲日試筆乙未

雲霞郭西麓鼓角胸東門

時登萊告警

威鳳何時來裊裊孤竹

根天門氣色麗地肺金碧暄所祈年穀熟以响民物苞休

沐輟出戶蹇步聊自存

以病足乞假旬日

我慚廢荷鉏坐飽春盤

餒婦稚不裁棉布襖有餘溫烏寇何時滅軍書紛濁煩新

花照淨几孤雲暖遠村道經旣皮架濁醪亦盈罇枯坐方

寂歷誰與證心源

題齋林畫

青山澹無痕老樹寒色靜不見謝公詩竹外山猶影

身世雲林感烽煙寫殘山欲栖塵外去梅里棹舟還

倪高士有

一小幘如此此仿之故作倪語

茅亭寂無人青松影不積應呼草堂侶芒屨玉山來

蕭蕭無一籟樹石自相悅猿鳥總未知虛深世議絕

六潭太守元日出遊小蓬萊閣還憩永福精舍作詩

垂示奉和

公如日下蕭蕭鶴重冠閒攜一隊遊邊事螺紋觀掌上勝
情法曲宴遊頭梅花小閣詩心遠貝葉明窗野興留持詫
胡床跛居士無窮景物仗琬鍔

餉六潭蚶一筐

君頃早發
當回皖口

天與周旋三五期來時冰合去流漸雲身會欲追蛭驅鄉
味相要夢蛤蜊响到陸湛形礫礫現來佛髻影迷離籃中
濡溼嗤何益付與君家斫膾姬

懷仙蘅

石景山人紫綺裘竺坡軼老接風流道場爲護千賢劫方君
冀修迎人海無猜一野漚功父坐忘吹劍首培翁未厭領
江寺塔舒州宵分卻望遼陽氣濁酒難澆魂礫愁

先立春一日作

蘭菊冬枯春更生媚予簷戶漸青青婉無佳句相酬答付

與騷人廿五經

懷節庵

春江壯風濤美人來何遲天地日氛昏龍蛇相觝齧鈍若
栖菰蘆予亦何所之神山有珠樹商顏多紫芝石室信可
廬增城閣參差瓊花媚我眼青棠慰我思八桂環我亭木
禾秀我墀金漿澤我顏出抱朴子謂朱草之汁地骨起我痲枸杞飛
瓊吹玉笙容成授刀圭寒有六銖絨倦有含風漪饑有胡
麻飮渴有丹井醅六氣供呼噏朝霞亦响吹旣鍊我金骨
亦蘇我疲肌升降乘煙風消搖駕玉螭倏爍周四極豐隆
導前麾開天門下瞰人間冢纍纍不辨王侯蟻安知昨暮

兒相招入巖觀歲晏以爲期

北望

早春已行仲春令江北孰與江南多一聲將札催去雁無

數浮嵐如浴螺芳洲忽憶芳草地

京師朝陽門外地名

玉竦穿引玉

泉河憐予北望氣蔥鬱雲曖天上摘星陀

庭花氣燥垂萎一一遙益寘之春雨中生意蓊然戲

賦

何似河東饑移民就河內使君幾曾費一錢責報花枝千
蓓蕾敏惠甚細所望奢响响爲仁眞璫碎我亦田閒荷鍤
民何曾稍出智慮除荒穡養形日盜官倉粟飢色未救疲

三
咤菜對汝一叢深色花發我千種盧胡慨花乎榮枯理亦
齊寒心未肯隨春態一雨郊原浩蕩春天公翦刻出翠蜚
大專槃物無私愛何物市恩施狡獪

慙俗

世閒盡學鮮卑語海上都尋樂大方可笑妄人求速化飲
泉真以慙爲狂

喜聞六潭權濠守

遊魚育育逐朱旗含德知民不忍欺相望夾江爲尉候政
宜响沫到莊施入山服食資雲母如水晶歌付雪兒絕倒

風流濠上守載將眉嫵遠山宜

濠州有雲母山相傳
彭祖採服長生御老

弔侍御李萼客先生

柳生肘怛君俄化
荊蓋頭憐予未歸
不堪再過藤花下
腹痛何年雞酒持

洛中時變觸倉皇
殯室應依蕭寺傍
聚散交游如墮雨
沈

蕤藁草發宵光

君令人弄卒旅殯棗花寺中

主張似挾衙官宋
理趣曾推僕命騷
後死豈容輕落筆
辨

香祇爲寤厓燒

寤厓子先師劉中允自號也

時難何術致風雷
迴憶南床試日哈
撒手君今返何處
豐

干院裏洞門開

先生自述前身爲天台國清寺衲己丑十一月與君同考取御史引見記名試之

日大風
震殿瓦

哀旅順口

甲午十有
一月失守

金州鑕鑰東地維三面倚海背負巖戈船作鵑軍器監九
攻九距輪墨機漆城蕩蕩無不有一旦雷轟資虜守虜嗤
主者先遁逃利器盡入倭奴手嗚呼海沸神怒號奔軍應
伏杜郵刀蛇盤鳥櫏天險失奪還何日犁腥臊

哀威海衛

乙未正月
失陷

我軍左威右鎬島形勝天然鬼工造增臺巨斧震九地火
弩水雷環百道堡鵬卻作偃月形殺氣飛鳥不敢停如何
黑雲朝壓壘壯士夕化蟲沙并嗚呼內訌梁柱蠹億萬金
泉鑄此錯幾時鞭石駕鼉梁義旗東指王師渡

三至游篇

曾皙浴沂諷雩

露瑩蘭阪氣霽瑤流言攜冠稚逍遙步游被澗坵障散朗
長謳無心觸境樂哉斯邱

楊凝式意行出郊不計路之遠近聽御者東西信
策所之

城居湫喧曠浪適野不忤僕夫境無取捨得喪混同欣憾
兩寡物色貞脆予心申寫

陳白沙陽春臺

京洛勿康乞歸邱樊臺非明鏡池有窟尊物我齊契何時

不春野花糝徑停雲隄村

到舒州

春生枉渚碧鱗鱗夜望丹樓似隔塵江月有情來照客
燈相迂喜逢人海漚爭席從相狎陽鱗忘機那更嗔又過
舒州禮三祖塔光可許誓三身

正月二十三日雷電次日雨霰雜下感事抒懷慨然
有作

物儉民勞宇未恢腥風直逼琅邪臺陰陽氣尙爭黃戰刑
德差迤霰雹推左郡傳烽枕鹿島邊軍擐甲倚龍堆春心
萬里愁如海日見津亭北舸來

仙蘅僉事生日

生近醉吟居士日詩傳山谷道人衣憂時且挽黃閒駕入

直長懷青瑣闈餐九還丹生羽翼握雙虎竹有光輝

時兼攝分

巡首郡

兩印如公定入參

朝論一破盈庭脂與韋

懷甯雜詩

少時讀選苦不爛大字明琬今眼明老學庵供續兒讀評

箋掃盡葛藤縈

昨得新安吳勉學刻大字本文選十二卷無箋無評文句不隔意脈相貫便於老來

補讀

官閣蕭森丁令威花光鶴柴洞開扉新詩妙擬寒山子參

得西天一箭機

丁廉使示以擬寒山十五首子謂此正君鄉半山老人舊題機趣也

人倫東國老林宗春夜留連琥珀鍾餅似輕雲三韭脆燭

垂紅穗一花穠

仙蕪夜招喫春餅

重闌北枕集賢關荒壘饒烏戰氣闌無復八分完白交喜

逢驍將語登壇

韓提戎大武渦陽人駐營北門外談同治中戰事

幕府征西氣色新翩翩記室兩畸人

顧綸青方百花潭北滌儕雨公

晚歸去裴杜相逢興有神

綸青夜歸步訪子於旅寓

北軍蕭斧刈蒿蓬

聞幫辦宋公慶在海城大獲勝仗

使節新傳簡上公飛

將不教南下馬樓船重整水中龍

淮西天下勁兵處精練烏傷戚法宜不用陳豨賈人子當

迤臭腐出神奇

近日廬州將弁多嗜利不可用類寧人則豪猛慝直可用當分別觀之

江介縉泉困斂徵六千君子合猶能輕裘仗有南城老不

使疲氓苦到鷹

中丞務寬大休息民紉長吏之言利者戒勿苛斂院議添募兵二千六百人備緩急

征調

釣磯突兀迎江寺一塔穹然峙碧空下瞰奔濤日千里旅

愁頓豁茶煙中

榜題竟非內史筆何物僉書來亂真不見龍跳波磔迹令

人失笑樅陽門

簡黃公度

白壁雄談致一雙指撝夷隸厯諸邦南庭都護治紅海

君開

南洋羣島總領事府於新嘉坡西使高輜擁碧幢頭白虞衡新作志足音
蓬蘢喜聞楚於今寵拯資方略不獨騷材賦涉江

問北來消息

時客
白下

兩京信使暮雲遮精衛思填沸海沙窮塞玉龍哀怨笛春
燕金犢去來車星芒直北知兵氣風暝征西待襦牙地肺
紫壇朝玉帝銜恩黃雀獻金花

和陸閣校莫愁湖之作卽送其歸四明

十頃湖光萬斛愁折梅瑤札寄西洲
瑤闌素手明垂玉綺席朱顏怯送鉤
姑射仙人敲絳樹平頭奴子護香篝
遣愁愁已知人處誰是登樓銷百憂

梁代豔歌花似雪中山湯沐氣如龍十三織女金梭妙第一功臣鐵券封花發陌頭歸緩緩蒲生池上采茸茸試看油壁車行處春水生如綠酒濃

灑落君臣賭劇基腰閒長箭虎熊姿

禁中玉帳方謀帥湖上金支尙閃旗收泣新亭曾相續張

筵別墅謝公儀大航兒女休愁思近倚尙書拓遠規

辛未六月

湖祠落成湘鄉曾侯相讌集賓僚酒半語吏部郎范公鳴稱稱道南皮張公奉使視鄂學之賢聲自朱笥河孟餠港洪雅存後近六十中所未有今南皮公繼湘鄉持節若有先兆者然

喜遇天隨風送翰未偕游屐雨馮欄草生朱雀新航路花發胭脂舊井闌沈水博鑪緘遠思朱弦玉指發哀彈與君

同是東華客何許燒愁酒瓊寬

寥落同科宿草多羨君遠性就煙蘿育王碑尾兼厓峻延
閣詞頭絕唯阿瘴海交稀孝章在青溪祠曲蔣家過東西
勞燕分飛頃蕭瑟飛騰奈爾何

行經冶城有感

閣尙飛霞聳人今墮雨稀

曾相設書局日賓僚最盛

冶城春已半未見

一花飛撰蔣山傭杖寒王內史衣清談懼廢務祠榜有光

輝

亭林顧先生嘗廝此

汪仲伊山長以北黟所產野朮黃精見餉賦此爲謝

天都昨夜雲海涵春湍出峽衝浮航奔騰急漩竹箭駛渾

渾下注于湖塘飲之含芝朮氣味能起風痺壽命長

時山水暴

下弢廬仙乘古槎至談經發匣三鱗堂江汪講肆振墜緒

慎修雙池

兩先生如雲出岫雨其鄉鰕生得從高正後藉岫艸木

迴清光手持靈藥遠見餉封裏鳥獸形模強丹沙泉灌百

圃殖老椶陰覆三極香由來神物夢穎茂千二百歲青玉

芒軒皇金鼎餘瀝醉日夜滋息靈苗秧地仙擎獻山魃驚

出佐不死丹邱方譬如有道君子見根葉花實皆可嘗以

調家國元氣茁毋使野葛來相妨黃山之高三萬仞馬薊

鹿竹仙人糧合成青黏漆葉散液液春澤生金漿劉涓葛

稚蒸續曬久服輕體凌風翔先生內養資道勝童顏不藉

服食詳延年卻瘴起我憊潤我藜苴彫枯腸傳之天老九
製法功用妙抑陰扶陽我慙智昏外臺祕素飽未拯疲毗
康方今海寓苦軍旅國論正賴醫師良會收先生作夢
朮時捫肘後肱珠囊刀圭出治萬人疾豈止賤子饔餘糗
詩成報謝無長物惟願柳栗相扶將南游黃海採上藥合
丹以藥民如傷

三長物

一螺點漆程君房幾弓藏經貝多葉并與黃公斷硯碑此
卽吾齋三長物

次韻滌僊見贈

大隱誰知善閑關挽強常有好容顏人中屈軼奇君直溪
上春鉏笑我頑新野久堯清德頌漆園近綴列仙班便應
不爨酬清諧春夜微風動屋山

東庵

有胸曰小
蓬萊閣

于湖雖壯縣攬勝卻寒窘終年吏卒守局束嵇生踈坐穿
一藜牀填委千束笥客疾動經時遊屐今始準盡捐內外
養穀豹付一輶東庵足未到賴得彭鏗引

印根先
生同遊

曲蹊入

荒灣精舍闌虛牝種宜明玕竹階苗連珠菌小閣頗崢嶸

崩題盤洲哂那得蓬萊觀猶堪弱毫吮

會稽有蓬萊閣洪
文惠刻隸釋於此

欲祛形役累赤尉罷趨尹蕭寥人閒遊寂漠物外軫情如

退院衲寒栖甘菊蠶幽居吾何能用拙差可允

簡友人

東道主人推老遲南來衣法讚融師明春定約歸耕去陸
瑄湖邊載酒卮

世事蕭然斥夏畦笠煙簑雨共扶犁殘年只愛南村安摘

葉新書野史題

陶宗儀天台人
晚作松江厲公

江上放言

有小引

島索侵陵儼焉不可終日棖觸幽憂四序非我偶記
杜公絕句云一夜水高二尺強數日不可更禁當南
市津頭有船賣無錢卽買繫籬旁擬與同社印根石

筇約齋子與諸先生約賃一小艇繫之廨後遇風和
日妍近山佳可游則縱虛舟逸棹或載酒一斛乘興
輒往滌公所云天宇奇寬日月奇閑者於此電光石
火三千刹那頃或一遇之邪信遇之庸非世出世間
極閑適之境邪又何惡生慙亂抱杞人之愚爲包成
云放言實言也將杜口不復言世務故以放言名篇
樹樹秋色山山落暉阮生路窮而抱慟楊景度浪漫而不
歸夢中浣花老翁忽授以解脫法爾曷不買江南黃篋舫
繫之廣莫之野予洲赤城之厓春秋佳日乘興去道流歎
侶相扶攜載蘭陵之美酒任篙工之所之轆轤蒲之清淺

玩圻岸之崩移攬白雲之倒景弄流水之清漪聽松顛之
喚鶴看蓮葉之巢龜學東皇之麟脯隱南郭之烏皮山根
一片霏花雨石髓千年養玉肌左控青瑯之容與右驂素
威以逶遲東西南北皆欲往千山窟兮萬水涯林蘭吐兮
縞夜色木槿榮兮絳朝姿披丹經兮蒼蘚笈捫古隸兮紅
尾碑饞蛟流涎兮古潭腥飢鳳啄寶兮竹花垂天光冥冥
兮青欲雨石髮濯濯兮碧如絲冰漿割留犁兮沈南皮之
朱李春酒芻虎魄兮澆戎州之荔支徵西母使獻白環責
北戶來貢靈犀畫東紅海以爲郡縣割北鬱洲以爲藩柘
賂璫瑁而開廟略牽蒲梢而揚皇威周流四方上下逐雲

將乃返憩乎故鄣之麓分江之涓青山謝眺宅石壁涪翁
祠更炊榜人之爨火泥飲田父之瓦卮起予將問劍術斂
文殊之洞扉有時醉倒習家池主客爭席張水嬉戲折青
蓮花交錯觥籌貪黃山雲海生眼底海鷗拍拍了不疑鷗
耶人耶參橫月落雨同夢亦如惠爲魚周爲蝶混同物我
無所於參差此時適志與否不可知但覺冥冥天地合浮
邱仙人駕鶴驂螭來迎毗耶城主無言師有時柴立默不
語有時妙論縱橫馳我聽此兩人言語若可解若不可解
忘卻青山白雲朝餽糜延緣葦閒唱韶濩不厭日出言支
離兩儀自有好日月今我不樂將奚爲

江行望池州諸山

雲蘊九華髯雨氣入江深不見陽明老超然宴坐心
此中有佳趣隱者呼不出遙想茅庵人朝參雪色壁

寄印根

直性會稽箭英詞峒嶠岑耿介詎諧俗離羣難處心疲疴
媿障縛遊目一開襟世累付澹忘不忘空谷音江介移芳
蘭光風汎中林無人採而佩於蘭何憾歆和以紫芝曲寫
入青瑤琴貢之玉堂上期爲藥石箴但葆奇服嬖不受外
物侵申旦舒州道濁酒成孤斟何時眞避世把臂憩林深
陪約齋印根兩先生晴溪參軍泛舟入荆山湖二子

櫺梁迹

野興青霞客行吟白雪徒乍乘秋水駛適御好風俱槭槭
津亭柳蕭蕭赭岸蘆言尋鍾乳穴欲訪石魚湖杯泛荔支
綠筇攜靈壽臞酒船相枕藉藥收任喧呼野市問幽徑老
兵資導吾布帆六七里淨界巾千殊環澈生鱗甲雙嵐拱
鬱紆雲移錦步繖天覆水精壺方丈不可到洞庭張樂無
樵風拾仙箭匙雪餽雕胡沈子漢三老彭鏗湘一儒未投
驚坐轄喜佩入山符淦淦蘋千頃搖搖荻萬株土風疏越
紐物產錄吳趨雅說君謨蟬詩徵張翰鱸驅馮夷擊鼓令
象罔求珠近矚翠斂髻橫開麗像圖千賢切滿月何代手

三
鐫摹龕儼按伊闕祠兼賽紫姑平汀絳蓼繡絕壁蒼藤枯
颺引層波阻菱牽百丈粗帆迴摺小異句律境追逋云產
和氏璧鵲飛嵐氣晡試捫歐陽字蝸篆石紋蕪荆玉何年
採胡僧此結趺湖嵌望佳氣暉麗近元都春穀平野綠宛
溪清景姝羣公會秋禊風趣似沂雩

望大荆山作棹歌十章

紺林叢剎山之腹千佛厓應梁日鐫想見題名徧寒壁卻
待杪秋攜蠟璫

山靈招我重游屐樵路秋晴擔綠醅爲數歐陽使君後幾
逢佳客拄筇來

不逢競渡端陽日舉袂風山繁吹音士女明妝曜洲渚畫

船齊榜出花陰

于湖俗以五月五日泛荆山湖遊人如蟻

定有異僧巢樹巔裹糧避世來坐禪隆冬淨掃枯葦海九
夜悟徹智珠圓

小荆側落驚翮翔大荆橫卧青瑤床玉山採玉人何處終
古煙鬟明鏡妝

水花紅似綴瓊珞石髮青倒映琉璃平蕪淺水渾少岸蜺
羅河頭筏渡時

小艇湖明光接天蘋花蕢葉霏青煙楚天月出櫂謳發何
異清淺蓬萊然

引杯看劍六人同但乞朝北暮南風石尤留客知有意紫
磨輪看昇海東

二更歸來月已西兒童拍手唱銅鞮推擠不去無善政或
似謳徧豹居齊

諸公皆似神仙人入世間法任一眞攜得山光滿懷袖栗
尾寫入溪藤皴

寄仙蘅

十年滯龍舒尸祝徧窮陬一朝檄鱷恠剖符向炎州

時新除惠

潮嘉道待奉檄乃之官嶺云來勿算舒言挽不留紫芝好眉宇食息

抱天游不工長官趨日爲黔首謀桃李羅後堂桑麻課先

疇春泥巡叱憤野趣狎馴鷗粲花論絕妙章艸涉多優頗
勸我獨宿太常齋律諏豈惟舒父老撰留君行騶予拙少
所可膺人呼馬牛偃蹇頗寡諧還君獨低頭奪我同官友
天南木蘭舟予與父老心江上均離憂君持海國節丹沙
採羅浮何年復來還青山捫謝樓倘遇鄧道士爲問無恙
不乞桂酒少許遺予散千憂或逢黃野人丹訣資冥搜道
惟靜者得和理口蒸酸今君未戒途除書迫相求預緘索
居思塊予將寡儔寡儔亦何損度世期眞修他時赤城遇
一笑三千秋

二十七年前游焦山山僧搗鶴銘售之密云此本山

言
土產也意洒然喜予謀刻焦氏老子集注如成以之
分遺知舊豈非寒齋土物乎因趣楊仁山兄爲速刻
之

卻憶焦巖淨侶曾餉人一味上皇銘予今亦出五千字催
取仁山好殺青

南田草衣畫

幽谷穹林晏坐便茅堂晝寂煮清泉仲長天隱瘖如許貪
看溪光石上眠

姑孰道中

秋色無邊淨秋巒翠轉妍漁邨罨蒙密茅屋散炊煙舟度

屏風曲江空明鏡懸林端一埵見沙上羣鷗眠吹浪江狔
出盤空野鵲旋吾家詠史舊和牒意行便舉起丹崖削懸
流碧玉泉寺藏修竹小磯撼浪花圓表墓題烏佛尋山栖
謫仙中多隱淪耆輩際爲延緣

秦淮酒舫詞

不知秋色日蕭蕭烏相林邊泊畫櫓貪看夕陽山色好清
溪幾曲蔣家橋

酒被清愁爾許深花消英氣夜沈沈三山風息狼煙警萬
里秋生鳳闕心

座中東馬不凡材

會者七人公度次洲
仲魯禮卿皆在座

曲裏西烏繁吹哀

言四
餞送銀鞍承旨去

雲谷將行催將畫舫莫愁來

風景倪黃百感生
衣雲樓下千燈明
那堪瓊樹清商曲
都作陽關變徵聲

長句八章爲督部南皮師生日壽

鍾山佳氣鬱輪囷
昂宿光芒嶽降辰
志闢風輪雨紅海
符開日馭二黃神
亭林勝久辭生日
荆峴屏帷錄撰人
雄略平填胸界闕
欲麾蛟鰲使梁津

霽迴地肺潤生霖
功德泉環功德林
八尺銅儀占地動
千秋鑑錄格天心
方閑壯武知龍鮓
大筆燕公出碎金
自寫

當天心白日

用公壽瑞安老人句蘭薰雪澗照清襟

八州恩綍節三持一壑丹邱媻未宜人繡香山傳畫像

帝放壽杖刻桃枝籌邊樓峙平泉略山澤閒融謝傅儀將
冠 熙朝讌千宴指撝若定廓清明

扶桑祇欲倚長弓精衛刑天障海東曙戒風規曲江老坐
謀

廟略贊皇公區冶鑪開利國監孟勞匠課定秦工久推武
庫羣流仰但結荀馮使洛中

江左夷吾練布衣山川洗滌作光暉葛侯自造連珠弩魏
武能爲發石機偶出鑲紆艸隸妙屬離紙背霧煙霏過江
奚止持三論法語由來摧箭圍

締造艱辛綜覈精無窮攷版出縱橫北溟惟救禽魚壳頤

性行重讌鹿鳴

儀徵阮公年七十蒙延齡榻額晚自號頤性老人

賜頤性

鼓鑄祥金

看躍冶樓船蓋海拓祠兵玉瀾待續名臣像不數桓榮

漢五更

自開衡嶽雲千朵倘致車書會一同試鑿淮源秦白下不

貪寶氣賈黃中冶城鱗聚吳才集書局星羅朱紫工一洗

南朝四學陋蕭然山館闢雞籠

賈黃中南皮縣人嘗帥昇州

玉帳珠鈴仗總持山開幕府水融椅會昌集敘期商隱迂

窆門風許器之鄂渚造船流梯下諒山奏凱勒銘奇欣瞻

筋力風情在只似初龜嶺嶠時

祖筵送雲谷別

海國秋來風景殊，青楓赤岸悵歧途。
大蓬再入修門道，危局今誰杖節扶。
玳席歌衫助蕭瑟，清溪畫舫減歡娛。
能調平勃安時論，好去西京陸大夫。

游雞鳴寺

翩如鸞翮出樊籠，古刹猶憐中大通。

地本梁同泰寺，同泰大通雙聲反切語也。

乳竇旁連泉復穴，層湖下瞰嶼浮空。
崇巒襟帶龍象氣，獨立縹緲蓮花宮。
晴雲夕捲潮梵去，天末杳杳望冥鴻。

又

留著臺城一角天，教閱盡興亡招來七客同。
醉碧樹丹楓

夕陽

小立誌公臺下尊形受眾山
斡情秋搖落爲氣島索神皋

日銷

不使浸銷元氣新亭收泣須人
諸公努力治事風雨雞鳴

守晨

丹臺裁過十仞上薄霄漢超然
瀟椒雲行虎步治城何必

前賢

仲殊畫晉四賢同游越中贊云謝家太傅落落龍驤
兼虎步右軍將軍蕭傲精神一片雲王謝共登治城

事見
本傳

登北極閣

靄蒼毅
若同游

天風吹送上丹邱攜一青藤到上頭
磴道螺旋疑切漢後

湖煙澹恰宜秋青絲白馬禪觀徹紫葢黃旗逝水流十廟
丹楊拆遺愛練衣蒲扇勝情留前大府改建十廟首祀東
晉揚州牧王文獻謝文靖
栗主而殿以兩江使相曾文正
皆以有惠政遺澤於民祀之

贈徐次洲

三十年前同海舶老俱面皺付河觀銅駝閱世索長史青
兒前身辛幼安君佐戎旃草露布我思釣瀨把漁竿相看
才力猶强健濁酒彈箏興未闌

留別公度

嶺表欽崎白下輓木犀花發喜重逢登臨不負丹邱興感
慨頻傾綠酒濃三品料姑儕仗馬千金技久蓄屠龍明朝

挂席方山別黃海清游約拄筇

顧子朋招集烏龍潭北別業

園林奄有全湖勝閣傍餘霞翠作堆不繫情言魚出聽無

機啄食鳥還來芒屨烏臘新歸客

君新自吉林歸

美酒蘭陵數舉

杯千石何如一逢掖潛夫門對古祠開

地本顏魯公放生池潭之南有祠

靈谷寺

偕公度往遊

龍蟠鍾山腹一谷藏其中異境開窈豁叢薄環玲瓏坡陀

拱卧虎奔湊來朝宗松門蒼官列庭靜古三公蜿蜒一徑

出稍循萬竹叢冷冷導笙鶴習習揚天風亂定金碧燬鱗

甍窟琳宮至今把茅住蠶房方斲礪何當開山祖伐翳芟

蒙籠蹴蹋振龍象飛閣麗長虹運來會有待道泰興靡窮
層湫旱不竭倏燦潛虬輓石林何冥密禱輒致年豐朱湖
小洞天幾並國山封緬懷神僧蹟梁堦明栖崇千花瓔珞
蘿九節菖蒲茸鳥爪紺髮闔翠波石函空靈輓市朝隱詩
緯神霧濛千年安般坐一夕他心通

奎章爛雲漢山氣天香融

景陵南巡御書聯勝前堂
云天香飄廣殿山氣宿空廊

龍象有興廢山川長鬱蔥我偕黃初平攀翻赭芙蓉

鍾山上無

草木望之禔然若赭試酌德水味次禮塔光雄手持青蓮花來訪祖

師春願借鐵拄杖鏗然叩鴻鐘淨掃眞妄障一鉞羣生聾

是日禮誌公塔

蕭梁餘一堦，迺建蒼山陲。我來清秋日，溪壑龍湫移。山果
丹璫細，林衣翠紛蕤。翠波射西日，洞林迴清暉。熱然眾籟
歇，德水淨琉璃。正法折慢幢，金容曖遷儀。當其市朝寄，識
記若蒼龜。非關鍊營魄，至誠自前知。刊落附會談，剝絕怪
誕辭。水旱禱輒應，永作人天師。至今山鳥下，掌粟啄檀施。
道風無休歇，理窟芟支離。談言諷世主，主闇了不知。同時
初祖忤北渡，折蘆資風塵。俄傾洞白馬，鞚青絲。亦有陶華
陽，砭時坐論非。棘生昭陽殿，坐受單于欺。農戰不預修，文
儒競夸訾。梁天監中任
防發策語 恒星談夜落，劫燼辨灰飛。情談爲
廟略，坐令凶頑窺彼游。方外者，曙戒洞時危。我禮遺塔古，

靈臺極憂時何時證淨業遺偈參科儀蘭菊長無絕津梁
應未疲

半山亭

前游蕭瑟法崢趣

同治己巳來遊此山風景幽邃灑然異之用荆公均作詩五章

蕪蔑今

看久不治細澗猶通八功德殘僧能習四威儀梅花斫盡
供樵擔苔徑依然繡石衣惟有登高吸煙靄三山不改舊
時奇

上謝公墩

巖桂敷馨發荒塍草棘深長筇想此挂濁酒孰同斟世變
安棋局神閒出碎金風流文靖往我輩一登臨

泊牛渚磯謁太白祠

江月何年來照客桂樹叢生於空陽長風萬里送挂席羽
人迂我丹臺倚乘風欲去謁金闕山寒桂蠹花不實閭闔
煙霧不可開墮落青山東石室帝旁投壺侍玉女電光倏
爍風雨阻客不得歸金門持戟作歲星夢覺身在青牛渚
仙班供奉呼不謦神姿玉映餘丹青二豪祠宇連雲起何
似螺贏與螟蛉錦袍犀帶醉不醒玉山頽然風泠泠黃山
碧溪遊未徧江上列岫青金屏丹邱逸人不可作枉渚愁
然風浪惡一杯秋菊醅溪毛更向黃山採靈藥

然犀亭

然犀得禍事良野萬頃奔濤巖下瀉何許馮夷水伯宮金
支翠旗出深夜洞門千年始一開中現松子金銀臺朱陵
地肺潛通透鈔取華陽雲笈來何人燒燕致神物豈必水
府燃犀瞰森鬱君不見梁日浮山堰忽崩萬千龍鬼浮空
出

峨眉亭舊址

太白家於蜀晚栖謝公之青山峨眉瓦屋不可見萬里變
滅雲霞間登此巋然一片石望鄉欲挂乘槎席孤雲落照
煙濛濛不斷吳天楚天碧下有絕壁栖鵲巢俯瞰龍宮氣
沈寥伯昏二分足垂外攜斤入極神理超吾鄉賀祕監呼

君謫仙人君騎白黿去寥廓我來捫葛攀勝因魯連跼東
海子瞻謫羅浮誰歟遄歸故鄉乘款段峨眉山月三百秋
且攜天台瘦藤杖遊戲赤城與弇洲

太白祠有國初蕭雲從畫壁今亡之

四壁樓觀非復舊千年妙畫失通靈翛然洗出眞山水碧
嶂摩圍作畫屏

廣濟寺

微徑出東麓巖栖結搆牢雲端蜀江下塔表吳山高屏障
四圍碧崩騰千里濤泉甘孔雀口帆映林蘭皋西竺迂神
足南州紡落毛石牀丹煉汞麗像白添豪姑射神獨立雲

將世可逃頗持遠公律誰致稻生醪定有蜋獻果何如魚
出濠吾將老於此謝八萬塵勞

又贈方丈

道人居此今幾臘侍者紺髮碧雙瞳時呼溪狙拾橡栗煮
茶敬客琉璃鍾夜深月黑大魚出清梵下徹兮夷蒼水使
者之珠宮謫仙駕鶴時一至至則風旛相語年爲豐山中
萬籟自鳴還自歇惟有道人耳根終歲聾

天門山

丹厓鏟千仞下瞰江斐宮藥蘿煖鳥絕長風號壘空山戴
石髮皴萬古青濛濛超忽攬溟渤响踰侶喬松上有採芝

客綠髮方兩瞳旦日天門開
半攤抱幽通歲晏一華予精
誠動昭融

博望山

博望如卧獅奮迅飲江水江湖相欲吐
呼吸雲霞裏下棲黃石公上巢赤松子
石蒲九節茸神丹一玉匕性宜服食
良勝於餐石髓淮王鍊秋石八公童顏紫
此亦所經游長生而久視世樂良有涯
榮觀脫如屣吾將騎茅龍算而得所止

鼎丞以濠州龍興寺宴集詩寄示次均答之

遠驛將疎麻停雲暖深櫨遺予青琅玕
蕭枚澹塵慮爲語

精藍游不殊冷風御濠梁有嘉招芳醴無淺飫六潭吾故人別緒黯煙絮與公駟蛩并妙得山水助列城息鳴杼披襟寫元箸治如小鮮烹泥飲田父譽丹經按劉安汗簡箋郭恕美蔭蘇喝人條風灑明庶未忘精衛銜試叱王尊馭封豕恥待雪亡羊戒當曙玉斧割未成珠厓棄何遽世屯遲君康惟淝勁兵處刮掃赤岸霧蕩滌青邱淤還祠穀城石功成拂衣去

觀褚臨禊帖鈎本

無數瘦金鈎勒離合形神兩忘環肥不若燕瘦張艸猶堪雁行

松岑示我攝山寺江總持斷碑搨文

未登栖霞巔先覽江令筆崩雲裂幾行巖溜痕斜出潭思

草市廬緬想體裁密捨宅記勝緣開山證兜率薤文惋碎

壁妙墨留湮帙雖非棗刻屢頗失艸分律

此拓疑緇刻非原石

夔罔

棲茫昧佛龕瑰麗逸流連洗藥池

碑中述尹先生記云山多藥艸可資攝養此山

之得名

所自翳映繡經室光駁霞陸離氣變秋蕭瑟枉投子旅

寓殘字存體質荒壇迴清暉清暉照一室

光緒乙未九月十二日繆小珊同年自郢中來云江

令此碑康定元年三月沙門懷則重刊自詫眼力之

不謬遂記之

題黃公度集後

金石叩清英雲霞擷奇彩探碑天山頂握節雷翁海討曩
西賀洲弓挂扶桑外隲括入靈府洪濤瀉靈籟玕鉞困萬
彙剝落見真宰理董夷夏論廓清良可待陋儒拘于方不
信龍可醢讐然失故步拖鵠越雞殆誰知四極之外六經
表大有丹邱逸人在

與松岑遊城南

落日城南園濠觀莊與施裴裒池上酌擊折風中枝花稀

天女舞梵寂雲光儀

地傍雨花台梁雲
光律師講經處

彫落青荷花游魚

暖萍移獻珠鮫女收無人吹參差沈寥何所見欣臧物自

私女蘿招山鬼翠旂出馮夷而我與君獨坐談京洛思拍

浮丹稜泚繫馬柳湖陂舊游半黃壤宿草長離離遺編不

忍讀光芒牋珠璣

李侍御尊客朱侍御鼎父王樞曹第卿潘戶部孺初鄧鴻臚伯訥京國知交數

年之閒薨落殆盡

俯仰廿年閒奪我鏃礪資世濁名不立言之兩

酸悲我今彫綠髮君亦入霜髭肘無六國印冉冉日月馳

胥疏江湖上浩蕩解金龜努力穰苴術登車廓清期軍禮

百五十篇篇含權奇精禽填東海猛士迴西曦功成不受

賞投老鍾山陞朱湖關洞天碧樹正華滋大開雞籠館戢

影爲人師君言何用爾外物不可期但得清秋日陳編玩

英辭游目共忻賞林舉足娛宴且攜童冠儔登頓和攀追

醉則茗芋歸客知我爲誰

又漫題兩章次荆公雲山送孫正之韻

金城種柳今十圍遠碧芊芊暖煙陴

桓宣武所經金城正江乘縣地道經

行把知爲誰山林舉壤窮髮髮堂堂白日去勿悲吾自與
君當鼓旗飛霞結佩寄所思天放兩鳥鳴一炊危柯震慄
惟坐不諧時豈有虞人挾彈來相規

立談致卿摧箭圍賜璧一雙專城陴縱人橫人舌如卷電
莫敢誰不如據梧隱几瘖萬物捐書絕學自娛髮上蔡公
子牽犬悲要章除道擁朱旗何如窮年專一壑林園勝事
娛清時但抱石軍種果帖依於班嗣老嚴之術真良規

馬關四首

雲門作此詩極工麗因和之卽效其體

萬古如斯公案無高那肱以此情輸褻蹴判擲填仇壑牛
耳調言保帝都颯爽萊公原欠術森嚴南董豈逃誅蜻蜒
洲上千奴笑辱酒從污宰相鬚

秦割商於裁六里一流頓盡媿張儀兒瞽粗解鮮卑語虜
館頻傾服匿卮熊野花間徐福笑雞鳴關出孟嘗遲直洲
應有王戎磴那恤黃圖悉索疲

元氣神洲日夜彫吹唇沸地佛狸驕平章軍國眞兒戲談
笑威儀復褫貂無賴鄭飛虹得嬾胡顏蘇武節還朝

陶侃
平臺

城之亂譏王導曰蘇武節似不如是導大慚色吾郵臺下奔騰水不洗牽羊使者

輶蒼海胥濤爲不平郝君心術未分明有人夕賣盧龍險俄

頃朝捐鹿耳城和壁難期秦柱返鴻毛肯換太山輕阮公

湛醉六十日有女如何肯與兵

末用王藍田斥桓宣武語

懷雲門

清渭滔滔東逝波秋來樊子意如何鍛鸞不改嵇生雋射
虎何嫌霸尉訶天遠秣陵餘綺麗雲開蓮嶽鬱嵯峨舊游
賸有樊山在江上千重隔浴螺

兩江節署西園中有石船洞窗窈然橫卧水際奉師

諭此船終古不行尋丈常住邪抑本無住邪試具說

其誼獻偈云

船已到彼岸故湛然常住朝南莫北風船性無所忤

二

石船住沙界用周沙界外舍一切慧業定相長不壞

三

常住本无住寂中起照用時於三止中鑿透三觀孔

四

此象南嶽下湘西石船山

衡州有石船山永愿行人司行人王而巖先生隱居著述於此

湘鄉相侯初營驛寺則而象之懷鄉先輩也

了無戶牖障日月梭雙丸

五

東方波旬國樓船聚窟穴鞭石駕長虹推四魔軍滅

六

八風操八槳大地負一舟以筏渡眾生彌綸无罅漏

溪橋冥集

已彫菡萏歇紅秋爲喚餘艤漾碧流香界衣雲吹不散天
邊眉月吐還羞梁歌子夜鉤蟬曲郢客才華白雪樓酒旆
清愁總无賴長千秋袂漫重脩

和節庵

更無雕鶚擊高秋金石波中詎肯流且把芳樽澆磔硤從

擎碧椀列珍羞歲星依隱三千牘玉宇高寒十二樓天闕
遙看接銀漢江湖難忘是靈修

又上稟庵

京洛緇塵隔幾秋丹邱柯老冠儒流史才兼採蜂資蜜經
術潭思鳥養羞賓攬東南多竹箭雲浮西北有高樓著書
判解金龜去一證黃梅面壁修

詠史

莫倚冰山作泰山霍家甲第與雲連誰知事敗蕭生手露
索前時困抱關

快婿曾聞范度遼昔曾雄峻致煙霄一朝失勢監奴其誰

判芝蘭與艾蕭

陪筱珊太史登小九華

秋林丹翠駿攀陟拓佳觀北枕連江乘南衣闢戒壇窅波
迴落日蘭若瞰浮瀾眼底青羅帶同驂上界鸞

壯縣市塵遠平津煙火繁巖僧慵臘課潭樹浸秋根欲建

丹臺頂

予規復一覽亭
令山僧識其處

平吞赭岸村潮迴吸力大倚薄一

天門

微徑塔邊上孤雲天際歸衣憐京洛舊歌和郢中稀羹臠
石華痠木銜精衛微何時兩莖劍霄漢逐騰飛

一覽亭遺址

茲山翠起信神奇渴飲江流掉尾螭下瞰平疇成野畫仰
攀霄漢罨渾儀何年斧劈丹沙峽卧想檀椎碧落碑景物
無邊供一覽厓林紫氣隱叢祠

送筱珊別

躡屨南游亦一奇翻成跛鼃送神螭右軍久蓄桑果帖謝
傅何妨山澤儀買骨周郎期復將蕪湖東門外有周公墩

名杜癭笑沈碑何時徧洒天瓢潤一禱神山景武祠猶山五里

許神山有李藥師祠堂
方志云冰旱禱輒應

思子培

相付名園卉未薪頻年桑海祇傷神沈侯日想犀圍瘦李

老追憐駿骨塵

謂尊客

服食惟應資散力馳驅勿使楷天真

簾中騏士鈔書富螻蟻王侯豈足論

二

擊汰南溟望北溟白雲隱吏想儀形海銷烽鏑危柯靜天
著林巒遠薺青符竹祇妨高坐韻紉荷預約艸堂靈從登
白紵山開讌判與樵夫共醉醒

署西偏園中新作茅亭勝日避世

蓋頭葺茅住把臂入林深豈藉錙鑄識捐書但陸沈

丁徵君示我新作兕觥一製殊奇古刊度合法將藏
弄之以俟異日爲錢璵沙竹根如意之獻并作小詩

以謝徵君

島夷駭觸五兵犀截汝嶄巖作酒卮譬漆月支爲飲器徵君始出笑顏哈

王業邠人其舉觥

昭陵景氣望庚庚雖然身在江湖上老筆南山頌尙能性無鄭老一斛量亦乏東臯五斗才判向江南竹根卧田翁注瓦枕莓落

江湖留滯望京華陟彼高岡雲日遮豈暇傾壺就沙飲願持朋酒祝矜遐

儉德竹根如意見

裕陵手詔答錢公此觥留作野人獻法酒還霑黎庶同
形模奇古角磋新物勒工名製似神拉得徵君齊酺飲
聖雲孫又六南巡

思京邸舊園景物

寶桐

依隱王城十七春棗甘桃酢未全貧故園物色今何似幾
度秋光似轉輪

修竹壓檐經列架鱸薰一炷誦南華名園間屬東陽丈慶
汝遭逢得主嘉

今沈丈
居此園

豈止清修再宿桑園中松菊未應荒卻輸一事江南勝碧
樹霜前頽薄妝

和栢女

交枝併作十分春
明媚韶光不厭貧
赤移丁香無惡否
暗驚歲月似奔輪

有竹無池未可誇
坊開履道近東華
胥疎今落江湖上
九日蕭疏笑孟嘉

攜得清齋靈照女
休論邊事幾龍荒
江南薊北隨緣度
飽看秋山明靚妝

南庵

能於世閒物一切无
多取乃得湛然相
定是須彌柱
所以東林遠陶亦熏習
悟縱恨大化中不喜
亦不懼
惟有南庵

頭朝霞開宿霧清景出无涯
流泉慨高樹惠風將霽月
椒
朗樵牧路任君來取之不厭
淨勝趣朱顏雖易彫白業不
改素僧无五漿迎客有半偈
寤囊衣珠旋拾淨域金誰布
脩然捐書遊亦不滯章句

聞致仕納言黃丈來遊白下悲喜交并斐然有作

王室知公滿百憂珠厓割棄坐忘憊
拂衣迴望丹棱泚策杖重來白鷺洲
戰伐蠱沙何所恃蕭條桑海不勝秋
德星且喜臨江表舊是文衡擁傳轡

又

往時禮殿闢文翁浦漱沙鷗也識公下食六龍還侍立登

朝一鶚獨摩空夷吾玉帳開江左

謂南皮
尚書

君實深衣憩洛

中意氣由來驍斬合仗迴板蕩振羣聾

次韻答熊著作

芳時旣晏孰華予江上嚴風斷渡初來自棲賢騎白鹿老
予簾讀校丹書憂時三署巢痕在避俗孤雲世法疏伐拯
無才沛時了穀城黃石豈終虛

放生池詩牌

伐翳初地淨導筇飛泉出故池今更穿新徑芝蒙密陰霞
映來深迴風盪蕭瑟土宜重臺葵樹以傲吏漆環生蘼蕪
叢飲蠲沈痼疾將致戢戢魚放之清泠汨萬物欣得時响

濡性毋失圓靈鏡其裏空明炤纖悉無筌何用忘施食呼
裁畢誦金光明經中邊甘似蜜不祈瓔珞報第使江湖逸

又

昔遊魯公祠勝池曰放生

白門清涼山下

公愛予真子浮家養精

靈超然入義海餘丹慙羣生可嗤蕭老公以麪爲犧牲徒
爲誌公笑嘆空吐膾腥使鱗羽充斥物蟹人將攫吾毋取
煦仁釣弋持其平但戒暴殄客刀砧朱門鯖縱欲天概之
萬鬼瞰高明三寸市不鬻祭始魚菽盛志在復禮意物各
安其情不聞治大國碎魚戒煩烹

南窗闔翳改以頗黎嵌之一室洞然

久嫌敗紙障微塵雲母窗今製作新虛室月裁膽滿相小
欄花始露全身此中空洞原無物大鑑虛明不掩真一任
遊絲將野馬日光看釋硯冰昀

懷公度黃浦仲弔白門戲作俳諧句

官廚刳肉薄於紙惡酒澆腸督郵似爬梳龜手束笋堆叢
叢殘菊彫官紫夜叉誹我未賢聖斲折小蠻腰不起門外
驚行吏睨署箭張酒趙喧北市爭禁脔殺鮑參軍那得蟬
蛻天隨子蕭然出羣兩黃子不受蹇淺流俗背何天不可
以高飛何地不可以棲止匭肱騶衍九神州胸瑩東方三
洗髓豈如瑟縮老幘生投之虎圈令剡糝行追二子恍洋

遊補劇息黥聊適己黃浦海水深復深白門老柳餘旖旎
青溪九曲熨衰顏踟筵看舞嬋娟多

觀物雜詩十有二章

江市魚鹽聲浩浩飛雲蓋海萬檣竿都將壺裏天光大攝
入華嚴法界觀

欲泝江源到大西雪山馬口淨琉璃如何一入中原濁淘
汰難將物論齊

萬方一概未須論此亦南華漆樹園

壺公師見語文中子
上者天隱其次地隱

之義如此其言委備大約言朝市
亦隱區也俗士坐不能問津耳

剛說收身一壺裏又攜

竹杖出天門

小九華之東
地名一天門

富舉有口守如瓶餅裏眞圖五嶽形不待撫絃山自響那
須風力借泠泠

寤厓傳訣太和湯未入平門那識嘗火宅灰河齊打破漆
局隨地得天光

蓬戶朱門皆可適勿攖外物坐焚和南牀睡起東檐暝野
鷺剛來得靜柯

太西立國政教合今彼國勢政教離 國家權制崇黃教
借權御實可制夸

一彈指頃墮微塵只爲從來認識神我亦兩儀閒一物不
祛妄想不求眞

躁人一蹴求成功不點綫而希面體豈知春氣積三微妙
用在浸不可既

湖蚌吸月月涵珠海犀望星星入角但持修鍊功不懈無
心得之精放出

六十小劫風雨疾願君切莫歎滯留猛雷猶耐三冬蟄快
艦毋令碰石尤

海宇紛紛歷幾秦要從因地起經綸誰持半句曹溪偈足
下生駒蹋殺人

書事

愁倚鍾山雪花落青溪九曲黯銷凝北邊驛將無雄略西

域材官有最能

大帥招來德國將弁三
十餘員先練精兵萬人

鹿耳臺澎正朔異

羊亡渤碣覆車懲山封木葉途將假莫使丁零敝更乘

聞俄

人謀假道吉江
二省接造鐵路

二

軍火金城左郡輪湟中盜弄阿渾麓新移延壽蒲昌節老

禡營平竹使符牧厥北庭徵桐酒屬車西狩備論都廓清

隴坂今根本尉候毋煩七萃驅

時新疆撫陶公拜權總制
陝甘之命甘督楊公

子告
歸里

贈汪生德淵

直簫出簫材流波激宕迴每期離俗士同上讀書臺授簡

詞能對羞爲壯始哈刮磨求致用世難正雲雷

敬和

歙縣附生

汪德淵 允中

廣厦亟成材中江砥柱迴新開四阿閣累作九層臺欲洗
儒家恥何嫌俗士哈講堂方日闢結社似宗雷

陳蓮舫比部張廉侯沈師徐陳挹霏同登赭山堦院
作

勝游難得五人同山靜雲閒曲徑通各抱逸情娛遠目恍
邀象罔對鴻蒙蓼排楚岫浮天碧塢映江楓背日紅靈府
豈隨陳迹腐好留題字梵王宮

和

華亭

沈惟賢 師徐

還期訪道上空同
天闕林巒盡處通
洗滌山容仗倍安
懺除綺語豁吳蒙
東傾漲海浮杯白
西射餘霞卷幔紅
遠性不爲簪組束
何妨一宿祇陀宮

青浦

陳丞澍

挹霏

登臨初地賞心同
萃起摩圍天眼通
寺裏鈔經覓麟士
江平梳髮逐龜蒙
石林磴道攢濃黛
厓菊籬門出小紅
領略煙雲含變態
全收清景法王宮

再次前韻

沈惟賢

佳觀清景入予同
興象薦魚觸處通
斗絕丹厓瞻氣王
洞然石鏡謝塵蒙
屢攜家釀澆重碧
何必行廚挾小紅
竹月

踏來金璫碎只疑身在廣寒宮

師徐將之杭州示我注唐書西域傳彙卽題其後送
別

重譯旁行孰與論雪山雷翁好尋源導來綠淨銀牛口箋
出金仙靈鷲門才退輪君三十里道西度我五千言今歸
石屋煙霞去一綫天光手自捫

又

建牙唐日吐蕃庭料敵文饒善審形丈室猶留元策笏花
天自椒毗耶經効忠悉怛今安在此腐近事入定班禪已不靈
太息邊城須猛士爲吾

皇守八關局

寄牛渚廣淫寺方丈

江底魚龍貪晝眠洞中蝙蝠已千年
靈妃夜蹋增波至膜拜山僧方坐禪

枯木庵

蝶爲黃野人衣化犬舐淮南子鼎餘枯木庵頭養空坐不知客疾有乘除

新種梅梧桐桃蠟梅三五十株畚鍤甫勤而甘雨適至

裁課畦丁種樹雨來土脈齊蘇報以來茲繁茂花從因地

敷腴

天憐病瘦蕉萃苔
厠長鑱破纔他日
金城見汝幽人花
底街杯

居士甯耽世樂菴
羅園裏收身卻憶
看花上苑鈿車雨
灑輕塵

種鮮石斛

我無慧政珠立功
跼鳶塞恥遺

君父憂未鉏非種
歲鄣南晚宿留鑱
柄荒園對友貽玉
一叢蔥蒨根葉碎
葉葉圓如璣寄生
蒼石背蓄之丹砂
盆待發金釵蕾

七月始花
十月實

沃以黃山泉浸宜
純酎醕云能清熱

拂又治腳氣痲長憶白雲源羅生雲掩曖節任山魃捫絙
懸野人採吾鄉富春山芋坪村處處有之有人絙絕壁下採之山鬼來解絙一若呵護此草木者此兒時所聞於長老山靈招來歸攬結誰遺佩吾衰服食須願言樹之
背種移灑霍閒秀出茅篁內藥讎桐君錄仙躡松子隊方書
云服之輕身延年不辦沛時危且耽清淨退惟有延年資慰予勤
一慨

垂絲海棠

扇障金迷霍小玉妝新翠薄步非煙垂絲能綰餘春駐卻
待鷺飛三月天

憶靈谷寺

梁刹明跡已陳香臺熏習妙明因花仍枚落諸天淨州
隱趺痕雨剝皴八德水宜含藥氣四毗沙尙護金身歸耕
只合鍾山住煙火東田一徑新

就泖上墅將成寄師徐

四海釀兵氣誰分禾絹憂五茸非我土一念爲君留槿植
前榮援瓜支下溪疇僻窮付兒輩用鄭侯語杖策得周游

遇周生

自庵老人之孫

弊裘典盡歲將闌落拓江南寄一官長卷只餘黃鶴在雨
窗逆旅偶開看

俞主簿

叢秩如簪裏濠梁昔解龜心期只獨行情僞不能欺架厂
開丹閣穿渠作墨池誰知范冉瘦應甌失炊時君留官鳳陽簿此聞

祠院工程多倚辦

鍾山行

鍾山翔如紫服翼清溪迴作青羅帶西來三祖巢名山變
滅煙鬟倚天外湛湛江水上有楓北客南來意氣同千金
力士求蒼海四學山館闢雞籠壺公風度陂千頃玉帳軍
謀安且整夕讌佳賓出碎金朝排猛士操扛鼎席卷英豪
天下來南狐東馬不凡材何方海鳥銜數木幾日淮陰上
將臺佳人勃窣皆理窟澹澹長庚伴明月馮公老尙挽黃

閒黃丈蕭然謝私謁馮萃亭軍門黃梁節小柯庵黃仲
公盡清峻康長松素龍岑亦挾神鋒雋伐時文武仗羣才陸菴
狂犀水剽蜃鍾山洗滌作光輝好爲官家張國威惟有壺
邱將隱去鯢桓何許見三機

少宗伯李仲約先生挽詩

袖中瑞札荷忘年一別修門哭逝川妙迹碑林照四裔高
文制艸落三天城西屢伴清樽興研北猶留秘史箋惟有
凌雲臺榜在當時筆訣已無傳浣園舊有御題編曰
不老謂之三天惟供
奉內廷者得至焉

操場

獵場面水界如塍海截江剗未稍懋艸際青絲方烙馬掌
中瓊粟且調鷹翕張示弱操中駟殺活捫機觸上乘圖海
家奴亦堪用卻藏部勒費秤停

懷雲門

渭南一老豪於筆自倚銛鋒雋莫當隨物肖形皆底語齊
年誰健鎮相望馬關詩俊神含霧牛渚江寒葉染霜白下
青門慳一面彌天初地又何方

南檐

新種篋簪成一谷且於人外拓佳觀何如柳守栽柑趣恰
似韋公種藥謾運有歲差儒不效行無崖異世應寬翳翳

負得南檐曝隱几蕭然侶鵲冠

煮藥

煮藥堪嗤鈍突熬茶一似番僧毅豹徒爲形養問渠鞭後
何曾

雜言

手種梅花三十樹何如移柳柳江邊行人道是袁家渴待
過銅駝五百年

課僮掃葉出籬門通隱堂開淨客魂放出一枝天竹路苔
皴雀啁似荒村

三日芒屨不出門焚香掃地坐忘言忽支帖架龍藏碣生

紙描塗六七番

小隱

自飲水明樓下水烏皮小隱坐忘歸中書君與人俱禿乞
借中江作墨池

觀臨桂方伯龍公翰臣畫山水冊子次許仙坪河帥
韻爲松岑計部作

此中雲氣隨飛龍縹渺融結丹邱宮幾人沈冥往避世似

是商顏綺與東六十年閒論風雅龍公語言妙天下曾

正文

何

媛朱伯韓邵蕙西

成名去並世推公眞健者餘事逸筆簡奔

雲豈但高詞儷皇墳風流已逐煙雲去計部才猶張一軍

咸豐中事習聞見貢水沸騰傳契箭危城饑鼠撫瘡痍閒

道羽書疾飛電

咸豐六年公布政江西時賊縱徧省糜爛公與撫臣百計畫防剿策令帥公遠燁徒

步赴湘中銜旨起曾公督師赴援

朝

屹立公真鍊漢比鼓聲不起郊多壘

豈知鈴索玉堂閑妙注秋毫工翦水未酬志事多憂虞駁

落鱗爪留寰區儀存山澤夫豈徒青山隱現黏平蕪筆勢

溢出界畫無篆籀八法森恠吁俗工粉墨更不須攝取一

角真形圖中有一人跌團蒲虛深萬籟難形摹泊然脫落

身世處淖約冰雪疑神乎公出餘事信崛奇解衣滂礴一

寫之我今欲買茅庵處江上春鉏掉頭去

原作

奉新

許振禕 仙坪

桂林詩老人中龍發揮三策明光宮晚鋤世難作邦伯遏
賊奔與江流東百餘年間論風雅惜抱歎其才盡下獨張
一幟追韓歐先生私淑傳衣者蒼梧賓從散如雲王朱唐
呂俱高墳特餘令子紹家學齋恨旗鼓虛中軍郎潛華髮
晚相見同話風流去如箭棲雅古木石城寒遺墨爭看光
爍電卽論邱壑應無比渴筆直破迂瓚壘固知世有澹蕩
人輞川風月蘭亭水先生平昔講唐虞擺脫時論無區區
營邱巨然豈其徒志開六合清榛蕪故於中歲一筆無我
觀此畫驚且吁想當萬變入斯須胸中原有自然圖煙雲
竹樹浪蕪蒲造次落落以筆摹不襲以迹非神乎江山獨

有桂林奇少日曾遊夢遶之我欲拜公著書處解龜欲乞
江湖去

太息

太息扶桑弱水東中原杼柚困其空括糠及米成何事剗

肉爍瘡計已窮墨翟重胝裁四等

古以禹墨並稱然古今人表列之四等殆豎儒

之見

耳曹蜍刺齒已三公何時害馬幡然去竟捨天師問小

童

許竹簣侍郎久使俄邦未得受代歸賦此奉懷

雷轟之西天盡頭仙槎幾度訊牽牛未營別業東柯谷久
滯行臺北鬱洲候館栽花紅濫濫汗庭桐酒綠窈窕但期

遠略工銜轡豈惜殊方更宿留

西洲

昨夜估船吹洞簫榜人吳語此停橈幾回欲寄長干札忘
卻青溪第幾橋

霜風烏柏閉重門夢斷西洲不可論素手袖來交二九闌
干花影喚誰溫

贊季漢三賢

衰季風流未喪真卿應慚對長官貧曹家崛起雖豪雋不
及三君畫裏人

流傳樂府龜雖壽豈若鍾山五字詩微命還當猛虎步遺

書欲脫孝章危

酒行伏地事堪疑野物扶筇祇自怡比牒資高終棄去應

緣合讖早知時

魏武詩云德行不虧缺變故自難常鄭康成行酒伏地氣絕郭審圖盡命於園桑此

嫁惡名於紹非實事也

調雲門

樊家詩派遍秦中富既千篇一字工宛似樓臺通蜃氣幻
來金碧挂晴空

八萬塵勞傾倒天闕仰視浮雲太虛何心彈指
之頃幻去來今雀毋玉抵蚤豈山任眾生擾擾牛溺泥深
一切捨去了不可尋

和雲門隗囂盤歌

略如撓酒金留犁云是隗宮尚食者當時索糒呼荷荷蹇
人胡能上天也窈窕丹青殿已空杜秦州詩語身不能容與物
且盃今流落誰何手試取新筍傾老瓦

朱耶瘦金鉤勒書以贈雷塘龔主者從來名蹟畏豪奪豈
得樊山長有也書存盃失詩語妙寶若柴窯亦聊且諺云柴窯

片瓦值千金

卻索和章到小生玉盃肯拋來引瓦

阮公耆古王善諧乾嘉風韻少繼者渭南逸筆殺溪藤紙
盡千番猶未也手把燒春琥珀鍾排悶裁詩君曰且珠璣
遠致誠難和我憚注金姑注瓦

又和出城遲客不至韻

想見渭南花滿縣寺樓無不留題者醉留東野願雲爲那
得西窗招白也孔翠戲茗君信然鮎魚上竿吾亦且把君
新詩闔且開扶床伊囁聊弄瓦

小阿茶裁兩歲適抱之作
伊優亞語亦似解讀詩

壺公師語予雲門以才人而官福地海警羣沸獨渭
南一隅晏然如佛國故能榮觀宴坐多造語言因再
調之

專城簪得鄭娘國冰玉雲駟爲侍者曉寒手攀衍波箋疑
出世閒言語也匿藏絳守軍謀秘芝採黃公眞樂且了不
聞碧眼倭奴踞毗那

台灣本名毗舍那

黑衣大食侵阿瓦

原作

樊增祥

偶得阮文達扇面乃成親王書所作隗囂盤歌云隗
囂宮中盤幾枚秦州山農鋤出者杜老吟時殿已空
悠悠況又千年也白水眞人老兵事得隴望蜀心猶
且飄燈小雪照題詩磨墨阿瞞臺上瓦四次其韻

有泥不封函谷關陶爲飲具胡爲者想呼文淵入卧內舉
酒相屬豁如也建武天子御金甌度外置之亦聊且千年

耕出土花碧不作昆陽屋上瓦

賢王縑素滿天下此詩持似儀徵者鼎彝屈屨積古齋胡

不並收天水也品題石鼓王善謔

余得阮刻石鼓文有成邸跋尾語多嘲諷蓋當

時以初搨本獻

傳刻棗木吾聊且

余所收自明以來罌得述甚夥擬彙刻流布得

扇更望持盤來莫笑貪如楚囊瓦

錢勰欲石復欲畫吾亦人閒好事者佳詩一字直一縑況

在少農卷握也

款署芸台少農

吟弔井蛙何慨恍綰結春蛇無苟

且和詩剛遇雪晴佳涼月一波起樓瓦

假至言以修心

柱下之精意與世善推移湛濁亦何畏翛然曳尾龜未嘗

聞其唱第因而和之朱門與蓬戶善遊理亦齊入於鳥獸
羣與爲无町畦至言如可假以爲修心規不見夸毗子尊
知而火馳懼然顧其後來何眾之偕哉者終不解飲藥乃
愈疑誰使汲三淵析其煩醒滋漆以用而割豹因皮故留
朝花易攀折貞松後彫姿但葆歲寒性何嫌知者希

送夢華之任濠郡

一別龍沙劫幽憂江上逢先生猶玉貌緩帶故從容剖竹
人相逐烹鮮眾所宗行馴材武俗銷甲課春農